

Descrizione di un nuovo genere

DI

SCOLOPENDRIDAE (Chilopoda)

del Tonkino

GEN. **Alluopus** nov.

Corpus capite et trunci segmentis pediferis 21 instructum
Stigmata utrimque 10, in segmentis 3, 5, 7, 8, 10, 12, 14, 16, 18,

20 sita: primum (segmenti ter-
tii) quam cetera majus, subova-
le, cetera subrotundata sunt.

Caput supra marginem po-
sticum a trunci tergito primo
obtectum haud sulcatum; oculi
ocellis utrimque 4 compositi. An-
tennae 19-21 articulatae, articu-
lis tribus basalibus nudis. Pedes
maxillares (Fig. I, 1) parte ba-
sali antice laminis dentatis dua-
bus armata et articuli primi li-
beri parte apicali interna in pro-
cessum dentatum producta

Trunci lamina prima dor-
sualis haud sulcata, ceterae a
tertia ad penultimam sulcis duo-
bus submedianis exarata et a
nona marginata. Lamina dorsua-




Fig. I.

1. Pedes maxillares; 2. pes primi paris;
3. pes paris decimi; 4. pars distalis pedis pa-
ris 19ⁱ; 5. corporis pars postrema supina;
6. pseudopleurarum pars apicalis; 7. pes paris
ultimi.

lis segmenti 21ⁱ haud sulcata, bene marginata est et in angulo po-
stico mediano, parum producto, depressione parva affecta. Laminae
ventrales a septima ad antepenultimam bisulcatae.

Pseudopleurae (Fig. I, 5-6) superficie porosa, processu infero
postico sat longo spinulis nonnullis instructo et spinula sublata-
rali postica auctae.

Pedes articulo quarto inermi, parium 1-15^{um} (Fig. I, 2-3) articulo
quinto calcaribus spiniformibus duobus, parium 16-20^{um} (Fig. I, 4-

calcare singulo instructi; pedes omnes (ultimis inclusis) calcaribus duobus spiniformibus ad unguis basim aucti. Pedes paris ultimi (Fig. I, 7) quam ceteri longiores, articulo primo libero angulo apicali interno in processum longum crassum spinuliferum retrorsum producto, subtus et interne spinulis sat numerosis instructo, articulo quarto quam praecedens aliquantum longiore vix vel parum crassiore, supra quam subtus longiore, parte supera basim articuli quinti obtegente, articulo quinto quam quartus multo brevior et multo magis attenuato.

Typus: *Alluropus Demangei* sp. n.

Observatio. Genus hoc ad *Rhysida* Wood proximum, sed forma pedum paris ultimi distinctissimum est.

***Alluropus Demangei* sp. n.**

Corpus supra viride-ardesiaceum, ventre pedibusque viridisscentibus.

Pedes maxillares (Fig. I, 1) parte basali antice dentibus $4 + 4$, processu interno articuli primi liberi leviter tridentato.

Trunci segmentum 21^{um} (Fig. I, 5) sternito trapezoideo, pseudopleuris superficie tota, praeter parvum spatium ad processus postici basim et processum ipsum, porosa, processu postici apice spinulis duabus et spinula praecapicali laterali et alia postica instructo.

Pedes paris ultimi (Fig. I, 7) articulo primo libero subtus externe spinis 4-6, subtus interne spinis $2 + 2$ vel $2 + 3$, lateraliter interne spinulis 3-5, processu apicali spinulis sat numerosis, in exemplo alio spinulis 5 instructo.

Long. corp. mm 36; lat. 3,4, long. pedum paris ultimi 8.

Habitat. Exempla duo vidi ad Phu-Ly (Tonkino) a V. Demange, cui speciem dico, collecta.
